



UNIVERSITÄTS-  
BIBLIOTHEK  
PADERBORN

## **Vitæ Pontificum Romanorum**

Ex Antiquis Monumentis Collectae

**Sandini, Antonio**

**Bambergae, 1753**

Cl. Eugenius II. Anno Christi 824. Ludovici Pii 11. Michaelis II. Balbi 5.

---

[urn:nbn:de:hbz:466:1-65464](https://nbn-resolving.org/urn:nbn:de:hbz:466:1-65464)

gorio II. & III. Zacharia, & Stephano II. gestis per occasionem occupata à Longobardis Pontificiæ ditionis, loquitur ad hanc modum: *Dilucidum hic est planè, penes Papam fuisse summam administrationem Romæ & Exarchatus, ipsum pacis fœdera sanxisse, bellis obviâsse, urbes defendisse, ac recuperâsse, hostes propulsasse, auctoritate apud Imperatorem & Reges circumjacentes plurimum valuisse. Ita jam re, necdum nomine Principatus penes illum erat, moderante his omnium Numinis providentiâ inter tantas bellorum tempestates.*

CI.

## EUGENIUS II.

ANNO CHRISTI 824.

LUDOVICI PII II. MICHAELIS II, BALBI 5.

**I**N Paschalis I. locum, cum duo per contentionem populi fuissent electi, Eugenius tamen Archipresbyter tituli S. Sabina, vincente Nobilium parte, subrogatus atque ordinatus est, anno 824, XIV. Kal. Martii. (1) Is Boëmundi filius, Romanus. Lotharium Augustum Romam à Ludovico Patre missum schismatis tollendi causâ, susce-

Bar. an.

824. 9.

11. 12.

Pag. 6. 1.



ſcepit perhonorificè. Occaſione eâ ab Lothario, antequàm Româ diſcederet, edita eſt conſtitutio de electione Pontificis. (2) Exinde Eu-  
 genius Concilium ſexaginta Episcoporum Romæ habuit, & canonibus  
 duodequadraginta Eccleſiæ diſciplinam emendavit. (3) Inſtitueritne ritum purgationis per aquam frigidam, dubitatur. (4) Deceſſit men-  
 ſe Auguſto anni 827. anno Pontificatus tercio jam exacto. Quot menſes ac dies ſupra annos tres Romanam Eccleſiam adminiſtraverit, incom-  
 pertum; ſiquidem, ut ait Pagius, nullibi apud antiquos dies ejus mortis memoratur.

Eu-Bar. an.

826. §. 1.

Pag. §. 1.

An. 827.

§. 26.

Pag. §. 7. 8.

## ANNOTATIONES.

(1) Annales Bertiniani ad an. 824. tom. 4. Scriptor. Rer. Italic. pag. 516.

Ciaconius in vita hujus Pontificis: *Alter Zinzinus Rom. S. R. E. Presbyter Cardinalis electus à minori parte, poſt aliquot dies coactus abdicavit.* Unde id acceperit, ignotum.

(2) Partem hujus conſtitutionis habes apud Baronium ad an. 824. §. 13. integram & in novem capitula diſtributam apud Cointium ad an. eund. §. 21. & Pagium §. 3. Capite ejus tertio ita ſtatuitur: *In electione autem Romani Pontificis nul-*  
*lus*



lus sive liber, sive servus præsumat aliquid impedimentum facere. Sed illi solummodo Romani, quibus antiquitus concessum est constitutione sanctorum Patrum, sibi eligant Pontificem. Sigonius de Regno Italiæ lib. 4. ad an. 825. pag. 179. post recitatam hujus constitutionis partem subjicit hæc: *Illud etiam propter tumultus superiores adjectum videtur, ut ad vitanda comitiorum dissidia aut Legati Regis, aut Rex ipse, si in Urbe adessent, consecrationi interessent. Sic enim subsequenter annis est observatum. Et postremò novâ etiam lege sancitum.* Quod Sigonius hoc loco indicat subobscurè, Pagius ad an. 825. §. 29. ponit pro certo, aitque, Eugenium II. Romæ commorante Lothario, decrevisse, ut Legati Imperatoris interessent consecrationi Romani Pontificis. Quod decretum postea Leo IV. Stephanus VI. & Joannes IX. confirmârunt, ut dictum est annotat. 4. ad vitam Stephani IV. Vide annotat. 3. ad Sergium II.

(3) Canon 34. est *De scholis reparandis pro studio litterarum*: cui canon nonnulla addidit Leo IV. ut legere est apud Labbeum tom. 8. Conc. pag. 105. 112. 117. & apud Pagium ad an. 826. §. 2.

(4) Ducangius in Glossario verbo *Aque*: *Aque, vel equa frigida iudicium una*



ex purgationibus vulgaribus, quas  
 iudicia Dei appellant: quâ criminis ali-  
 cuius suspectus, vel de gravi aliquo fa-  
 cinore delatus, in aquam demergebatur:  
 ita ut si supernataret, nocens ac reus,  
 contra si in imum delaberetur, inno-  
 cens judicaretur.

Ritum hujus purgationis, seu probatio-  
 nis per aquam frigidam ab Eugenio Pa-  
 pa II. instituta refert Mabillonius tom.  
 1. Veterum Analectorum pag. 47. ex  
 Remigianis membranis pervetustis, Sæ-  
 culo IX. exaratis. Natalis Alexander  
 in Hist. Eccl. Sæc. IX. cap. 1. art. 4. vix  
 sibi persuadere potest, id ab Eugenio  
 Papa inventum, & ab omnibus Chri-  
 stianis observari iussim. Itaque quatuor  
 rationibus contendit fidem habendam non  
 esse membranis Remigianis. Franciscus  
 Pagius in vita hujus Pontificis §. 15. sen-  
 tit cum Mabillonio, & rationes Natalis  
 Alexandri refellit. Ego utri magis cre-  
 dam, non habeo, atque in hoc sequor  
 Zegerum Bernardum Van Espen Juris Ec-  
 clesiastici universi part. 3. tit. 8. cap. 4.

De purgatione vulgari & canonica

§. 15. 16. 17.

